

Bileag Com-pàirteachaidh nam Pàrant

Tha e na rùn aig Comhairle Baile Obair Dheathain taic is brosnachadh a thoirt do phàrantan gus a bhith an sàs gu gnìomhach ann an ionnsachadh an cuid chloinne. Tha sinn a' creidsinn gun urrainn dhuinn a' bheàrn ann am foghlam a lùghdachadh, gun urrainn dhuinn piseach a thoirt air shlàinte is sunnd agus gun urrainn do chlann uile Obar Dheathain a bhith a' coileanadh barrachd ma dh'obraicheas clann, teaghlaichean agus sgoiltean còmhla.

Carson a bu chòir dhut a bhith an sàs ann an ionnsachadh do phàiste?

A rèir rannsachaidh, mar as motha a bhios pàrantan an sàs ann an ionnsachadh an cuid chloinne, 's ann as coltaiche a tha e gum fàs, gun leasaich is gun coilean a' chlann barrachd.

“Tha na nì pàrantan le an cuid chloinne aig an taigh agus tron fhoghlam air fad aca tòrr nas cudromaiche na factar sam bith eile...” Desforges 2003

Tha a' bhuidhe as motha aig pàrantan is teaghlaichean air beachdan, giùlan agus coileanadh na cloinne aca. Bidh clann a' cur seachad nas lugha na 20% den tìde aca san sgoil agus còrr is 80% le am pàrantan, an teaghlach agus feadhainn eile sa choimhearsnachd - sin as adhbhar gum feum pàrantan, clann agus coimhearsnachd a bhith ag obair còmhla.

Ciamar as urrainn dhut pàirt a ghabhail?

Tha àite cudromach aig pàrantan ann a bhith ag obair còmhla ris an sgoil airson leas foghlam an cuid chloinne.

Am measg nan dòighean gus pàirt a ghabhail, tha a' tighinn dhan sgoil gus clann fhàgail aig an sgoil no gus an togail bhon sgoil, a' dol gu coinneamhan pàrant/luchd-teagaisg, a' gabhail pàirt ann an tachartasan na sgoile, a' dèanamh obair shaor-thoileach sa chlas, a' dèanamh cinnteach gum faigh is gun leugh thu aithrisean sgoile, a' co-roinn fiosrachadh mu shlàinte is sunnd do chuid cloinne, agus a bhith a' comharrachadh soirbheas. Ach chan eil ann an sin ach toiseach tòiseachaidh...

Tha seo cuideachd a' ciallachadh a bhith a' **gabhail pàirt ghnìomhach** ann an ionnsachadh do chuid cloinne aig an taigh. Tha seo a' ciallachadh gun urrainn dhut deagh eadar-dhealachadh a dhèanamh tro bhith:

- A' brosnachadh do chuid chloinne a bhith fàbharach mu ionnsachadh agus ùidh a bhith aca ann an ionnsachadh anns a h-uile àite; san dachaigh, san sgoil agus anns a' choimhearsnachd
- A' dèanamh cinnteach gum bi a' chlann agad a' dol dhan sgoil gu cunbhalach, gum bi iad air an uair agus gu bheil deagh ghnàthasan aca
- A' brosnachadh do chuid cloinne gus ùidh a bhith aca ann an rudan nas fharsainge, mar eisimpleir, cur-seachadan, clubaichean às dèidh na sgoile no rudan anns a' choimhearsnachd.
- A' gabhail pàirt ann am beatha na sgoile ann an uiread de dhòighean 's a ghabhas - a' co-roinn do sgilean, ùine agus ùidhean.

- Ag iarraidh fiosrachadh dhut fhèin no airson ionnsachadh do chuid cloinne gus an urrainn dhut taic a chumail dhaibh.
- A' bruidhinn ri do chuid chloinne mu na dòchasan is aislingean aca agus mu na bhios a' tachairt dhaibh san àm ri teachd.

Ciamar a bheir sinn taic dhut?

Tha **Ro-innleachd Com-pàirteachadh nam Pàrant** aig Comhairle Baile Obair Dheathain a' comharrachadh sia prìomh raointean far an urrainn do phàrantan, sgoiltean agus a' choimhearsnachd a bhith ag obair còmhla gus cuir ri *com-pàirteachadh* nam pàrantan ann an ionnsachadh an cuid chloinne.

Na sia raointean:

1. Conaltradh

Tha deagh chonaltradh ro-chudromach ann a bhith a' togail deagh dhàimhean; tha sinn airson dèanamh cinnteach gu bheil fàilte ron a h-uile duine is gu bheil luach is urram gan toirt dhaibh. Nì sinn cinnteach gu bheil an conaltradh uile againn soilleir agus ann an cànan sìmplidh, air eadar-theangachadh far a bheil e iomchaidh dhan cho-theacsa, gu bheil e ann an deagh àm is gu bheil e furasta a thuigsinn gun sgleò-chainnt sam bith. Tha sinn airson a bhith soilleir mu cò dha a chuireas tu fios, ciamar is cuine, nuair a tha thu feumach air cuideachadh no fiosrachadh no ma tha thu airson draghan a nochdadh.

2. A' cumail taic ri pàrantachd

Tha pàrantachd air aon de na h-obraichean as cudromaiche a th' ann - tha e cuideachd air aon den fheadhainn as doirbhe. Chan e obair fhurasta a th' ann gu faireachail, no corporra a bhith a' togail chloinne. Tha e cudromach gu bheil thu a' faireachdainn misneachail, gu bheil taic agad, gu bheil luach ga chur annad, agus gun urrainn dhut cur ri ionnsachadh do chuid chloinne. Obraichidh sinn còmhla riut gus cothrom fhaighinn air fiosrachadh, seirbheisean is goireasan a bheir taic dhut mar phàrant agus mar theaghlach anns an dachaigh.

3. A' co-roinn Ionnsachadh - Dachaigh, Sgoil is Coimhearsnachd

Gus cuideachadh le coileanadh do chuid chloinne, feumaidh eòlas is tuigse a bhith agad air na tha do phàiste ag ionnsachadh, *ciamar* a ionnsaicheas iad agus ciamar as urrainn dhut taic a thoirt dhaibh le ionnsachadh.

Tha ionnsachadh còmhla mar theaghlach spòrsail agus brosnachaidh agus leasaichidh e sgilean beatha na cloinne. Còmhla, tha sinn airson cur ris na cothroman a th' ann pàirt a ghabhail ann an ionnsachadh do chuid chloinne tro fharsaingeachd de ghnìomhan – tha sinn airson taic a chumail ri pàrantan agus ri clann a tha ag ionnsachadh còmhla an dà chuid aig an taigh agus anns an sgoil.

4. Dèanamh Cho-dhùnaidhean

Cruthaichidh sinn cothroman gus dèanamh cinnteach gun tèid do bheachdan mar phàrant a chluinntinn agus gun tèid feart a thoirt orra anns na co-dhùnaidhean a bheir buaidh dhìreach air ionnsachadh, slàinte is sunnd do chuid chloinne. Tha e fìor chudromach gum bi buidheann ‘guth nam pàrant’ no comhairle nam pàrant gnìomhach anns an sgoil agaibh a bhios a’ riochdachadh agus a’ toirt fa-near beachdan nam pàrant mu gach taobh de bheatha na sgoile.

5. Obair Shaor-thoileach

Ma tha thu nad shaor-thoileach, tha thu a’ toirt seachad deagh eisimpleir airson do chuid chloinne. Tha a h-uile duine a’ faighinn buannachd bho obair shaor-thoileach – le bhith a’ co-roinn do thìde, sgilean is eòlas, bheir seo taic dhan sgoil agus cuiridh e ri càileachd an fhoghlaim. Tha e a’ toirt cothrom dhut cuideachd tuigse fhaighinn air mar a bhios sgoil do phàiste ag obair agus mar as urrainn dhut a bhith nad chom-pàirtiche anns an ionnsachadh aca. Dh’fhaodte gun toir obair shaor-thoileach cothroman dhut sgilean is eòlas ùr a thogail, a bhios buannachdail dhan ionnsachadh is leasachadh agad fhèin.

6. Co-obrachadh leis a’ Choimhearsnachd

Tha fios againn gu bheil a h-uile coimhearsnachd air leth - tha stòras beartach aig gach tè a bheir taic, agus a neartaicheas cothroman, do chlann agus an teaghlaichean. Is urrainn do theaghlaichean is sgoiltean cothroman ionnsachaidh a chruthachadh is a cho-roinn a’ cleachdadh goireasan na coimhearsnachd airson buannachd na cloinne is an teaghlaichean. **# clann teaghlaichean agus coimhearsnachdan ag ionnsachadh còmhla.**